

**Хўжалик юритувчи ташкилотларга маиший чиқиндиларни тўплаш ҳамда олиб чиқиб кетиш хизматлари кўрсатиш бўйича 2/60 - сонли Шартнома**

Андижон шаҳри.

«5» 01 2022 йил

Биз, қуйида имзо чекувчилар, Андижон шаҳар «ВЮ ТЕХ ЕКО» МЧЖ номидан Низом асосида иш олиб боровчи, директор (қуйида «Ижрочи» деб юритилади) С. Омониллаев ва низом асосида иш юритувчи Борбор Нозимов

Олбороб Қўрқобов (Истеъмолчи) номи Ҳ. Челекқов (Фамилия исми шарифи)

(қуйида «Истеъмолчи» деб юритилади) қуйидагилар юзасидан ушбу шартномани имзоладик:

**1. Шартнома предмети**

- 1.1. Мазкур шартнома каттик ва суюқ маиший чиқиндиларни тўплаш ва олиб чиқиб кетиш хизматлари кўрсатиш тартибини белгилайди.
- 1.2. «Истеъмолчи» кўрсатилган хизматлар учун тўловларни «Ижрочи» га ўз вақтида ва тўлиқ ҳажмда тўлашга мажбур.
- 1.3. Томонлар каттик ва суюқ маиший чиқиндиларни тўплаш ва олиб чиқиб кетиш хизматлари кўрсатишга оид ушбу шартнома шартларини бажариш, Ўзбекистон Республикасининг 2002 йил 5 апрельдаги «Чиқиндилар тўғрисида» ги Қонуни ҳамда Ўзбекистон Республикаси Вазирлар Маҳкамасининг 2018 йил 20 октябрдаги 787-сонли қарори Ўзбекистон Республикаси Вазирлар Маҳкамасининг 2019 йил 5 февралдаги 95-сонли Қарори билан «Чиқиндилар билан боғлиқ ишларни амалга ошириш соҳасидаги норматив-ҳуқуқий ҳужжатларни тасдиқлаш тўғрисидаги Қоидалари» (кейинчалик матнда – «Қоидалар» деб юритилади) га риоя қилишни ўз зиммаларига оладилар.

**2. Кўрсатиладиган хизматлар учун ҳисоб-китоб қилиш тартиби**

- 2.1. Юридик шахслар каттик ва суюқ маиший чиқиндиларни олиб чиқиб кетиш бўйича кўрсатилаётган хизматлар қийматининг 100 фоизидан кам бўлмаган миқдорда олдиндан тўловни, кўрсатилган хизматларнинг тўлиқ ҳисоб-китобини эса — календарь ой тугагандан кейин 30 кун давомида амалга ошириши шарт. Қуйидаги чиқиндилар олиб чиқиб кетиш хизмат кўрсатувчи ташкилотлар алоҳида шартнома асосида келишилган нарх эвазига амалга оширилади:
- 2.2. Каттик ва суюқ маиший чиқиндиларни олиб чиқиб кетиш бўйича кўрсатилаётган хизматлар учун тўловни ҳисоблаш тегишли даврларда амалда бўлган тарифлар бўйича амалга оширилади. Мазкур тарифлар ўзгарган тақдирда, тўловлар амалдаги янги тариф бўйича амалга оширилади. Агар шартномада ўзгартиришлар киритилиши керак бўлганда бир томонлама киритилиб борилади.
- 2.3. Кўрсатилаётган хизматлар сифатини баҳолаш натижаларига кўра Истеъмолчи, Ижрочининг вакили, шунингдек фуқароларнинг ўзини ўзи бошқариш органлари ёки хусусий уй-жой мулкдорлари ширкати вакили томонидан имзоланадиган, хизматлар кўрсатилмаганлигини, тегишлича бўлмаган сифатдаги хизматлар кўрсатилганини тасдиқловчи факт бўйича далолатнома тузилади. Хизматлар кўрсатилмаганлиги, тегишлича бўлмаган сифатдаги хизматлар кўрсатилгани тўғрисида тузилган далолатнома каттик ва суюқ маиший чиқиндиларни олиб чиқиб кетиш бўйича кўрсатилган хизматлар учун тўловлар миқдорини қайта ҳисоб-китоб қилиш, шунингдек ўз мажбуриятларини бузгани сабабли Ижрочининг жарима тўлаши учун асос ҳисобланади. Ижрочи томонидан Истеъмолчининг ҳаёти, саломатлиги ва мулкига зиён етказилган ҳолатларда етказилган зарар факти қайд этилган далолатнома тузилади, у Ижрочи ва Истеъмолчиларнинг вакиллари томонидан имзоланади. Истеъмолчи, Ижрочининг, фуқароларнинг ўзини ўзи бошқариш органлари ёки хусусий уй-жой мулкдорлари ширкати вакиллари имзолари булгандагина далолатнома ҳақиқий ҳисобланади. Ижрочи вакили келмаган тақдирда, фуқароларнинг ўзини ўзи бошқариш органлари ёки хусусий уй-жой мулкдорлари ширкати вакилининг имзоси етарли бўлади. Ижрочи вакили далолатномани имзолашдан бош тортса мазкур далолатномага имзо қўйишдан бош тортганлик сабабларини ёзма равишда асослаши шарт. Акс ҳолда, Истеъмолчи каттик ва суюқ маиший чиқиндиларни олиб чиқиб кетиш бўйича кўрсатилган хизматлар учун тўловларни суд қарори қабул қилингунгача тўхтатишга ҳақлидир.
- 2.4. Ижрочи Истеъмолчининг чиқинди сақлаш контейнердаги каттик маиший чиқиндиларини олдиндан тўлов асосида олиб чиқиб кетиш хизматларини бажаришни ўз зиммасига олади Каттик маиший чиқиндини умумий тўпланиши м3 ҳисобида белгиланади.

| № | Хизмат тури<br>(Кераклиги тагига чилилади) | (М3)метр куб | Сумма ККС<br>билан | График асосида хафта<br>кунларини кўрсатиш | Шартнома суммаси |           |
|---|--|--------------|--------------------|--|------------------|-----------|
|   |  |              |                    |  | Бир ойда         | Бир йилда |
| 1 | График асосида                             | 42,6         | 35075              |  |                  | 14041,05  |
| 2 | Чакирув (Заявка) асосида                   |              |                    |  |                  |           |
| 3 | Атрофидаги чиқинди контейнерга чиқариш     |              |                    |  |                  |           |
| 4 | Рейсбай ҳисобида                           |              |                    |  |                  |           |
| 5 | Талон асосида                              |              |                    |  |                  |           |

Борбор Нозимов тўрт ўз тўловни тўрт минг беш юз Ҳ. Челекқов сўми ташкил этади.

**3.1. Истеъмолчининг ҳуқуқлари:**

шартнома асосида, ўзига зарур бўлган, белгиланган сифатдаги, ҳаёти ва саломатлиги учун хавфсиз бўлган, мулкига зарар бермайдиган ҳажмдаги хизматлардан фойдаланиш;  
шартномаларда кўзда тутилган шартлар ва муддатларга мувофиқ каттик ва суюқ маиший чиқиндиларни олиб чиқиб кетиш хизматларидан фойдаланиш;  
Ижрочидан каттик ва суюқ маиший чиқиндиларни олиб чиқиб кетиш хизматларининг ҳажми ва сифати, уларнинг кўрсатилиши шартлари, хизматлар учун тўлов миқдорларининг ўзгаргани ва тўлов тартиби тўғрисидаги ахборотларни олиш;  
Ижрочи томонидан шартнома мажбуриятлари сифатсиз бажарилган ҳолларда Ижрочига ёзма шаклда шикоятлар тақдим этиш ва Ижрочидан хизматлар тўлиқ кўрсатилмагани фактини тасдиқловчи далолатномани тузишни, шунингдек аниқланган камчиликларнинг белгиланган муддатларда бартараф этилишини талаб қилиш;  
хизматлар кўрсатилаётганда Ижрочи айби билан юзага келган камчиликларнинг бепул бартараф этилишини ва шартномада келишилган миқдорларда неустойка (жарима ёки пеня) тўлашини талаб қилиш;  
шартнома тузилаётганда, каттик ва суюқ маиший чиқиндиларни ўз вақтида чиқариб юбориш заруриятдан келиб чиққан ҳолда, санитария метёрлари ва коидаларида белгиланган сўнги муддатлардан кечиктирмай хизматлар кўрсатиш муддатларини белгилаш;  
каттик ва суюқ маиший чиқиндиларни олиб чиқиб кетиш хизматлари сифатсиз амалга оширилса, агар Ижрочи ўз вақтида шартномани бажаришга киришмаса ёки сифатсиз хизмат кўрсатса, зарарлар ундирилишини талаб қилиб судга мурожаат этиш.  
Истеъмолчи конун ҳужжатларига мувофиқ бошқа ҳуқуқларга ҳам эга бўлиши мумкин.

**3.2. Истеъмолчининг мажбуриятлари:**

каттик ва суюқ маиший чиқиндиларни олиб чиқиб кетиш хизматлари учун шартнома тузиш ва унинг талабларини бажариш;  
каттик ва суюқ маиший чиқиндиларни, уларни тегишли турларга ажратган ҳолда, бир маротаба ишлатиладиган алоҳида пакетларга дастлабки саралашни амалга ошириш;  
Ўзбекистон Республикаси Вазирлар Маҳкамасининг 2018 йил 20 октябрдаги №787-сонли қарорининг 2 боб, 3 боб, 5 боб ва 6 бобларга риоя қилиниши шарт, 2002 йил 5 апрелдаги «Чиқинди тўғрисидаги» Ўзбекистон Республикаси қонуни ҳужжатларида белгиланган тартибда чиқиндилар ҳисобини юритишга, улар тўғрисида ҳисобот тақдим этишга; чиқиндиларнинг ҳосил бўлиш нормативлари ва чиқиндиларни жойлаштириш лимитлари лойиҳаларини ишлаб чиқишга; чиқинди билан боғлиқ ишларни амалга ошириш натижасида фуқароларнинг ҳаёти, соғлиғи ва мол-мулкига, атроф-муҳитга, юридик шахсларга етказилган зарарнинг урнини қоплашга мажбурдирлар. Каттик маиший чиқиндиларни кўчаларга, сув йўлларига, ариқ ва каттик маиший чиқиндиларни тўплаш ва кўмиб ташлаш учун ажратилмаган жойларга, шунингдек ҳаракатдаги автотранспорт воситасидан йўлақлар ва кўчаларнинг транспорт юрадиган қисмига ташламаслик; каттик маиший чиқиндиларни Ижрочининг махсус автотранспорт воситасига ортиш учун ортиш жойига бемалол утишни таъминлаш; чиқинди тўплаш контейнерлари, чиқинди тўплаш шохобчалари, чиқинди тўловчи камера ва бошқа ускуналарнинг носозликлари аниқланганда бу тўғрида Ижрочини дарҳол хабардор қилиш; Каттик ва суюқ маиший чиқиндиларни олиб чиқиб кетиш бўйича кўрсатилаётган хизматлар учун тўловлар ўз вақтида амалга оширилмаган тақдирда, «Ижрочи» кечиктирилган тўловнинг ҳар бир кунини учун 0,4% пеня ҳисоблайди, ҳисобланган пеня миқдори қарздорлик суммасининг 50% идан ошмаслиги лозим; Чиқиндиларни қорхона ҳудудида ва рухсат этилмаган жойларда кўмиб ташлашга йўл қўймаслик; Истеъмолчи конун ҳужжатларига мувофиқ бошқа мажбуриятлар бўйича ҳам жавоб беради.

#### 4. Ижрочининг ҳуқуқ ва мажбуриятлари

##### 4.1. Ижрочининг ҳуқуқлари:

Ижрочи шартнома мажбуриятларига риоя қилмагани учун Истеъмолчига нисбатан чоралар кўришга, шунингдек қонунчиликда ёки шартнома белгиланган неустойка (жарима ёки пеня) тўлиғини талаб қилишга ҳақли.

Ижрочи қонун ҳужжатларига мувофиқ бошқа ҳуқуқларга ҳам эга бўлиши мумкин.

##### 4.2. Ижрочининг мажбуриятлари:

белгиланган муддатларда қаттиқ ва суюқ маиший чиқиндиларни олиб чиқиб кетишни амалга ошириш;  
қонунчиликда, мазкур Қоидаларда ва шартномада белгиланган шартларга мувофиқ Истеъмолчига зарур сифатдаги қаттиқ ва суюқ маиший чиқиндиларни олиб чиқиб кетиш бўйича хизматлар кўрсатиш;

қонунчиликда ёки шартномада белгиланган муддатларда Истеъмолчининг буюртманомаларини бажариш;

қаттиқ ва суюқ маиший чиқиндиларни олиб чиқиб кетиш бўйича хизматлар учун электрон тўлов тизимини татбиқ этиш ва реал вақт режимида шахсий ҳисобварақаларининг ҳолатини кузатиб бориш;

қаттиқ ва суюқ маиший чиқиндиларни олиб чиқиб кетиш хизматларининг амалга ошириладиган режими ва сифати бўйича Истеъмолчиларнинг муурожаатлари (аризалари, таклифлари, шикоятлари), шунингдек уларнинг ижроси ҳисобини олиб бориш;

аҳолининг тўлиқ қамраб олиншини таъминловчи ва қонунчилик талабларига мувофиқ, зарур миқдордаги чиқинди тўплаш шохобчалари қурилишини амалга ошириш;

чиқинди тўплаш шохобчалари ва контейнерларининг ҳолатини назорат қилиб бориш, уларнинг тегишли ҳолатда бўлишини таъминлаш;

қаттиқ маиший чиқиндиларни тўплаш учун контейнерларнинг зарур миқдорда бўлишини таъминлаш;

аҳолининг ҳаёти, саломатлиги, шунингдек атроф муҳит учун хавфли бўлган бактерияларнинг ва бошқа зарарли моддаларнинг ривожланишига, чиқиндиларнинг қўлаб тўпланиб қолишига қарши режалар ишларни олиб бориш (контейнерлар ва ахлат тўплаш шохобчаларини дезинфекциялаш ёки ювиб туриш йўли билан);

қаттиқ ва суюқ маиший чиқиндиларни олиб чиқиб кетиш бўйича хизматлар кўрсатиш тартиби ва тарифларининг ўзгаргани тўғрисида ушбу тарифлар қонуний кучга киришидан 15 кун аввал Истеъмолчининг абонентлик пунктларида эълонлар ошиш йўли билан, шунингдек оммавий ахборот воситалари орқали Истеъмолчига маълум қилиш;

Истеъмолчига кўрсатилаётган хизматлар сифати бўйича қамчиликларга йўл қўймаслик ва уларни бартараф этиш чораларини қўллаш;

қаттиқ маиший чиқиндиларни олиб кетиш хизматлари учун тўловлар ҳисоб-китобининг ҳолати, шунингдек кўрсатилган хизматлар учун тўловлар бўйича қарздорларнинг йўқлиги тўғрисидаги маълумотларни Истеъмолчига бепул тақдим этиш.

Маиший чиқиндиларни олиб кетиш хизматлари учун тўловлар ҳисоб-китобининг ҳолати, шунингдек кўрсатилган хизматлар учун тўловлар бўйича қарздорларнинг йўқлиги тўғрисидаги маълумотларни Истеъмолчига бепул тақдим этиш;

#### 5. Томонларнинг жавобгарлиги

##### 5.1. Истеъмолчининг жавобгарлиги:

шартнома мажбуриятларини бажармаслик ёки зарур даражада бажармаслик;

қаттиқ ва суюқ маиший чиқиндиларни олиб чиқиб кетиш бўйича хизматлар учун тўловларни ўз вақтида амалга ошириш;

ҳонадонда ёки хусусий уй-жойда истикомат қилувчиларнинг ҳақиқий сони ҳақидаги ҳаққоний маълумотларни ўз вақтида тақдим этиш;

шартнома шартларида кўзда тутилган қаттиқ ва суюқ маиший чиқиндиларни махсус ажратилган жойларда тўплаш тартибининг бузилиши.

##### 5.2. Ижрочининг жавобгарлиги:

Шартнома мажбуриятларини бажармаслик ёки зарур даражада бажармаслик;

Қаттиқ ва суюқ маиший чиқиндиларни тўплаш ва олиб чиқиб кетиш бўйича кўрсатиладиган хизматлар муддатининг ва мазкур хизматлар кўрсатилаётганда аниқланган қамчиликларни бартараф этиш муддатларининг бузилиши;

Хизматлар кўрсатиш ва қамчиликларни бартараф этиш муддатларининг бузилганлиги учун жариманинг ўз вақтида тўланмаганлиги;

Ўз фойдаланишида бўлган қўриқланувчи ва қўриқланмайдиган контейнерли чиқинди тўплаш шохобчаларининг техник ҳолати;

хизмат кўрсатмаслик ёки сифатсиз кўрсатилган хизматлар натижасида Истеъмолчининг ҳаёти, саломатлиги ва мулкига етказилган зарар.

#### 6. Форс-мажор

6.1. Шартнома имзолангач, томонлар ушбу шартнома юзасидан мажбуриятларини тўлиқ ёки қисман бажармаганликлари учун жавобгарликдан озод қилинишлари ҳам мумкин. Бунда, томонлар олдиндан билишлари ёки олдини олишлари мумкин бўлмаган фавқулодда ҳодисалар туфайли юзага келган энгилмас кучлар сабаб бўлиши мумкин. Кучки, сув тошқини, ёнғин ва бошқа табиий офатлар, минтақадаги ҳарбий хатти-ҳаракат ва иш ташлашлар бундай сабаблар сирасига кириб, томонлар мажбуриятларини бажармасликларига узрли сабаб сифатида эътироф этилади.

#### 7. Низоларни ҳал қилиш тартиби

7.1. Томонлар ўртасида шартнома юзасидан келиб чиққан низолар музокаралар йўли билан ҳал қилинади.

7.2. Шартнома ижроси бўйича юзага келган низолар, талабнома юборилгандан сўнг тарафлар ўртасида ҳал этилмаган тақдирда, низолар амалдаги қонунчиликка асосан Андижон шаҳар иқтисодий суди орқали ҳал қилинади.

#### 8. Шартноманинг амал қилиш муддати

8.1. Мазкур шартнома икки нусхада тузилади ва ҳар бир тарафда бир нусхадан сақланади. Шартнома тарафлар имзоланган пайтдан кучга кирилади.

8.1.1. Ушбу шартнома бюджет ташкилотлари учун Ҳазначилик бўлимида Ўзбекистон Республикаси Президентининг 2007 йил 28 февралдаги 594-сонли Қарорига мувофиқ, мажбурий рўйхатга олинган кундан бошлаб кучга кирилади.

8.2. Шартнома имзоланган кундан 1 йил муддат давомида ҳақиқий ҳисобланади ва тарафларнинг биронтаси шартномани бекор қилиш ҳақида муурожаат қилгунга қадар кейинги муддатга узайтирилган ҳисобланади. «Истеъмолчи» шартнома муддати тугашидан 15 кун аввал «Ижрочи» ни огоҳлантирган ҳолда кўрсатилган хизматлар ҳақини тўлиқ тўлаб қўйган бўлиши лозим.

8.3. Шартномага қўшимча ва ўзгартиришлар тарафларнинг келишувига асосан ёзма шаклда амалга оширилади.

8.4. Ушбу шартномада ўз ифодасини топмаган бошқа масалаларнинг ҳал қилинишида томонлар Ўзбекистон Республикасининг амалдаги қонунчилиги ҳамда Вазирлар Маҳкамасининг 2019 йил 6 февралдаги 95-сонли Қарори билан тасдиқланган «Чиқиндилар билан боғлиқ ишларни амалга ошириш соҳасидаги норматив-ҳуқуқий ҳужжатларни тасдиқлаш тўғрисидаги Қоидалари» га амал қилишади.

#### 9. Томонларнинг юридик манзил ва режими

##### «ИЖРОЧИ»

##### «ВЮ ТЕХ ЕКО» МЧЖ

Манзил: Андижон шаҳри, Лермонтов кўчаси 8а уй

Тел: +99895-200-79-79

Кишлоққурилишбанк Андижон шаҳар бўлими

МФО-000 82 СТИР: 307951402


20 208 000 205 330 724 001

Директор

С.Омониллаев

Ушбу Шартнома Ўзбекистон Республикасининг Фуқаролик кодекси ва «Ҳужалик юритувчи субъектларнинг шартномавий-ҳуқуқий базаси» тўғрисидаги Қонун талабларига мувофиқ келади.

Юрист консултант



Банк номи: Марказий банкнинг

Тошкент шаҳар Бош бошқармаси МФО:00014

Ҳазначилик бўлимининг ИННси 201 122 919

(ФИШ рақоби)

Юридик ҳулоса:

Ушбу Шартнома Ўзбекистон Республикасининг Фуқаролик кодекси ва «Ҳужалик юритувчи субъектларнинг шартномавий-ҳуқуқий базаси» тўғрисидаги Қонун талабларига мувофиқ келади.